



Waihanganga Tūī

Nā Tangi a Te Tūī te tikanga i whakaawe

Hei tēnei Ākuhata, kōihiihi ana a Baycourt Community & Arts Centre ki te manaaki i a **Te Tangi a Te Tūi**— he whakaari maninirau hirahira taumatarau — i te atamira o Addison Theatre. Ki te whakanui me te tautoko i ēnei whakaari autaia, e mahitahi ana a Baycourt me Toi Tauranga Art Gallery ki te tuku i tētahi pepa mahi toi mō tēnei whakaaturanga whakahirahira ki ngā kura o te rohe.

Mō Te Whakaaturanga

Ka mātai te Tūi i tana taiao, he waiata tana whakautu. Ahakoa te rerehua, hīrea ana te rangona o tana pāoro nō te wā i kākahutia a Papatūānuku ki te ngahere, i kī katoa ngā rākau i te kōauau Patupaiarehe, ā, i takahia te whenua e te Māori anake.

He kōrero tairitenga a Te Tangi a te Tūi mō te inamata me te anamata o te reo Māori; e kōrero nei mō tētahi paki pōkaikaha i tata karongia e te reo Māori me te haerenga i parahia nei e te mātatahi kia ora anō ai te reo kī ōna tātai whakapapa.

Mō Te Kaupapa Toi

E kōingo nei mātou kia hangaia e koe he toi kua whakawetia e te whakaari! Koinei te wā e whai wāhi ai koe ki te tomo i ngā tāhū kōrero, te tūhura i tō auahatanga, me te hono ki te kaupapa i mua tonu i te mātaki atu i te whakaari.

Hei wāhanga whakahirahira o tēnei kaupapa, ka hangaia e koe tō ake tūi. Ko tō mahi toi, tahi ki ngā tauira puta noa o Tauranga, ka tōpūtia hei kāhui manu kotahi ka whakatairangatia ki te tomokanga o te whare o Baycourt. Ka kitea tō tūi e te marea – e noho ai koe ki te wheakotanga o ēnei mahi toi!

bit.ly/baycourt_tui_creations

Tukuna mai tāu tūi

Mane 28 Hurae – Paraire 01 Ākuhata, 10am–4pm, Baycourt Community & Arts Centre, 38 Durham Street, Tauranga.


Tuaringia tō toi

Kua tutuki i a koe inaiane tō toi ātaahua, ā, e pirangi nei mātou te kite i tētahi whakaahua, tētahi kiriata rānei o tō tūi ka tuku ki te pae papori. Kaua e wareware ki te tūtohu i a Toi Tauranga Art Gallery @taurangaartgallery me Baycourt @baycourt.tauranga kia pai tā mātou toha i ā koutou mahi.


01 Purutia te pereti kia anga whakarunga, ā, ka pōkaia mai ki a koe e hangaia ai te tinana o te manu.



02 Mā te whakamahi i te tauira ūpoko, tāwhaitia tēnei ki tētahi kāri mā, ka tapahia atu. Tēna, tūwherangia te pereti ka hurihia, tāpirihia te ūpoko ki roto o te pereti mā te kāpia, ā, ha tāpirihia he pepapiri ki ngā tapa.



03 Tāpirihia ngā karu pīata, ā, ka whakakarahia te ngutu ki te sharpie, ki tētahi pene whītau rānei.



04 Tohua ngā wāhi e rerekē ai ngā kara o ngā kura ki te tinana mā te pene rākau — whakamahia ngā rārangi ārahi ki te hiahia.



05 Whakakarangia te tinana me te ūpoko. Me whakamahi i te piakano, te peita, he pene rākau wai tae rānei — tirohia ngā whakaahua i te rauemi nei hei tauira. Me ngana ki te kara i te manu kia whai i te ahunga i ngā kura e pono ai te rite. Ka pai noa te whakamahia i ngā kano a te Tūi tonu, māna hangaia mai tō ake ranunga. Hei āwhina anō, uwhia ngā wāhanga mā o te pereti kia tūturu tonu tana hanga.



06 Pōkaia he pereti anō, whakarārangihia te tauira ki tētahi taha o te pereti, ā, tāwhaitia, ka tapahia ngā parirau.



- 07** Tēnā whakaarohia te whakaari e tae atu koe te mataki, Te Tangi a Te Tūi, me ngā ariā ō roto, te tuakiritanga? I raro i ngā parirau o te tūi, ka tuhia mai ētahi whakaaro he aha rawa te tuakiri ki a koe.
- 08** Toi piripiria ngā parihau ki ngā pepa karakakara, pepa motuhake, mōheni rānei.
- 09** Mahia ngā parirau ki te tinana ka tēparahia ki te kakī o muri.
- 10** Whakamahia te tauira whiore ka tāwhaia ki tētahi pepa karakakara, tapahia, ā, ka tāpirihia te whiore ki te wāhanga o raro o te tinana ki te kāpia, ka tāpirihia he pepa ki ngā tapa.
- 11** Rōrāhia tētahi wāhanga kerehunga hei pōro, ka tēparatia ki raro i te kauae o te tūi.



Kua mutu, kua tutuki i a koe!

